

活人慈航

按寒厥熱厥俱手足厥冷躁據脈微細吐利在暑月最難
辨別冬月亦有伏暑務宜仔細但驗於齒口舌唇色不
甲二便為真按虛寒脈微細傷暑脈虛濡難以其確參其
脣舌紅赤舌有黃白胎或齒板口中乾燥或小便赤短或
吐出之物酸穢瀉下之物臭惡有一於此便是熱厥暑熱
也凡霍亂症其脈虛微細遲皆主凶也

潔古老人云霍亂轉筋吐瀉不止病在中焦陰陽交而不和
發為疼痛此病最急不可與分毫粥飲穀氣入胃則必死
矣保命集云如吐瀉已多欲住之後宜稀粥少少補養以
遲為妙

補遺百一選方治霍亂吐瀉不拘男女但有一點胃氣存者
服之再生用陳皮五錢霍香五錢水煎時時溫服 霍亂
吐瀉手足冷四肢逆冷用黃牛屎半杯水煮服 乾霍亂

不吐不利出大汗欲絕用鹽一大匙炒令黃赤入童便三碗和合溫服入口即吐如不吐探之使吐 霍亂吐瀉腹痛或乾霍亂切忌生薑米氣下咽急針十手指甲外離一分深刺出惡血先令惡血聚在指頭後刺 白礬二錢陰陽水下

關格

醫通云內經所言人迎與寸口俱盛四倍以上為關格以陽經取決於人迎陰經取決於寸口也越人云遂上魚為溢為外關內格遂入尺為覆為內關外格仲師亦謂在尺為關在寸為格關則不得小便格則吐逆以陽分取決於寸口陰分取決於尺內也難經云上部有脈下部無脈其人常吐不吐者死金匱云跌陽脈伏而澀伏則吐逆水穀不化澀則食不得入名曰關格則知關格之脈症不一也蓋

人迎氣口所以分表裏陰陽寸口尺內所以分上下陰
人一息表裏上下之氣化者肺所司血脈皆心所主故凡
氣血之盛衰虛不變見於寸口氣血實為肺經之一脈不
過分其部位以候他臟耳故少陰候於左尺趺陽候於右
關人迎候於左氣口候之於右 人迎氣口是關前一分
凡脈三部一部脈有三分三部脈九分關前一分仍是關
脈非寸脈也

雲岐子云陰陽易位病名關格胸膈上陽氣常在則熱為主
病身半已下陰氣常在則寒為主病寒反在胸中舌上白
胎而水漿不下故曰格格則吐逆熱在丹田小便不通故
曰關關則不得小便胸中有寒以熱藥治之丹田有熱以
寒藥治之若胸中寒熱兼有以主客之法治之治主當緩
治客當急 醫通云寒在上熱在下宜黃連湯熱在上寒

在下宜入味地黄丸壹隅反胃關格不通脈虛微無力宜
雲岐子柏子仁湯 大約湯水不得入口入口即吐出便
是關格吐多必無小便故也黃連湯白通加人尿猪膽汁
湯 在小兒初病湯水不能入只用燒針九少少冷服

方

黃連湯 金匱

治胃中寒熱不和心下痞滿

半夏 五錢

乾薑 三錢

炙甘草 三錢

人參 一錢

桂枝 三錢

黃連 一錢

大棗 五枚

柏子仁湯 雲岐子

治胃虛關格脈虛微無力

人參 錢半

白朮

茯苓

陳皮 各錢

炙甘草 三分

柏子仁 三錢

射香 一兩

生薑 五片

煎湯調射香服

臭毒

醫通即醫痧方書無痧症之方注犯寒熱而腹痛嘔逆俗以

磁器蘸油刮胸背隨發紅斑謂之痧甚則欲吐不吐欲瀉不瀉心腹絞痛謂之絞腸痧近來有感異氣而發黑痧名曰番痧

臭毒俗名發痧即穢惡之氣也甚者有番痧每多卒死其痛發則腹痛不能飲食或頭額眩痛四肢痠疼牽引肩背甚則欲吐不吐欲瀉不瀉四肢厥冷面青脉伏或吐瀉腹痛遍體壯熱面紫脉堅有痛死不知人少間復蘇者有腹痛不時上攻水漿不入數日不已者有卒患腹痛一日半日卒死者又有夾火兼犯穢氣則心腹絞痛欲吐不吐欲瀉不瀉俗名乾霍亂絞腸痧者或穢惡攻肺氣急上喘唇色黑一二日即危者有卒然昏倒腹痛面黑不語不急治二三時即死者有微發寒熱腹痛嘔惡麻木神昏者亦有腹痛厥冷脉微下痢便膿血者誤用辛熱即打呃而死或瀝

三九
澀汗出或隱隱發紅斑此毒邪熾發於表也有瀉痢厥冷
腹脹無脉者此毒邪內伏不能發於外也有患最暴者不
及見斑而死經所謂大氣入於臟腑雖不病而卒死是也
臭毒蕃茂必有腹痛

穢惡之脉多沈匿不顯或伏或細小微澀或堅硬搏指中而
帶促結皆是陰逆陽伏之象不可誤認陰寒而投熱藥

穢惡異氣痧症其舌必有黃胎芒刺或舌胎燥黑口脣色黑
手足爪甲青黑色是也亦有輕者感則頭眩四肢肩背痠
痛而已則舌無胎脣爪色不青黑色脣爪色青黑名黑痧是也

卒犯穢惡異氣無以脉診但以症為率輕者頭眩四肢肩背
痠痛宜痧痧丸葱豉湯或寸金丹或腹痛頭眩四肢肩背
牽引痠疼宜痧痧丸香蘇散加烏藥藿香木沉香吐瀉厥
冷來復丹腹痛極欲死宜痧痧丸蘇合香丸腹痛脹秘宜

備急丹神昏不語痢痧九蘇合香丸煩躁昏憤來復丹蘇
合香丸霍亂吐瀉腹痛壯熱宜正氣散加水香來復丹或
二香湯欲吐不吐欲瀉不瀉腹中絞痛宜炒鹽童便探吐
腹痛下痢赤白宜紫金丹頭眩身疼牽引肩背四肢宜葱
白湯或蔥豉湯加童便腹痛亦宜脣爪青黑色宜痢痧九
蘇合香丸卒倒不語宜痢痧九研末吹鼻孔內得嚏即蘇
內服痢痧九痢痧九治一切痧症為主藥以其辛香通竅
拔毒外出也霍亂腹痛可刺痂中出血及磁碗蘸油刮胸
背手足彎使出血黑斑

治法總要腠理開通則穢邪易出肌表邪毒內閉取汗不速
故用刺刮以洩穢邪無慮其虛非此急奪束手待死也

此病起於漠北流入中國故曰番痧此症與時行疫癘相似
時疫有傳染此則一人聚感死於一日半日之間也此症

與霍亂相似霍亂是客邪與水穀相併此則正氣暴逆不能與邪相亢也此症與關格相似關格是上下不通病純屬裏此則兼有痧頭重表症也此症與伏氣暑溼相似伏氣暑溼止在一經一臟此則不分表裏臟腑併病也

穢

氣內賊便當用利氣藥宜香附為末童便調服四五錢立

效

童便藏治穢佐藥
藥以解穢故效

或用蕎麥去殼為末溫湯調服再服即安

蓋蕎麥為痧毒之專藥

即三角麥

白礬末冷水調服二三錢

治發痧心腹痛及欲吐不吐乾霍亂

解毒消痰宜服辛香以後

有試法以生黃豆嚼之覺香甜者即臭毒也初得病時飲

艾湯試吐即見此症

絞腸痧肚腹痛甚用明礬二錢為

末以滾水冷水各半名陰陽湯調服即止

方

痾痧丸

祖方

治諸般痧症絞腸痧腹痛至危小兒陰吊四肢

黑而將危過喉即效如神

白豆蔻仁 丁香 木香 沈香 砂仁 蒼朮 二兩

雄精 蟬蘇 牙皂 羌活 各五錢 細辛 去葉淨 真射香 五

酒丸冷水冷茶冷酒俱可送下

寸金丹 無論男婦老幼中風寒暑濕霍亂吐瀉寒熱瘧疾

痢症停痰宿食傷積心腹疼痛四時感冒效嗽無汗山嵐

毒瘴吞酸嘔逆婦人產後昏迷小兒急慢驚風

防風 烏藥 川芎 陳皮 茯苓 厚朴 羌活

前胡 白芷 半夏 砂仁 木香 藿香 紫蘇 葉

薄荷 蒼朮 香附 各五兩 酒餅 高 枳殼 高 甘草 二兩

白豆蔻仁 三兩 草果仁 二兩 生薑 五斤取汁 用酒餅麩糊丸

香蘇散 紫蘇陳皮香附甘草 或加木香藿香烏藥檀沈

送下白禁丸治心腹卒痛痛極至死復蘇止痛如神

葱豉湯 葱白 淡豆豉 有熱加重便冲服

白礬丸 白礬 生用為末 米糊丸 香藥湯送下二三錢

避瘟丹 治心腹客邪 暴痛痛極不可當 痢疾腹痛亦可服

蒼朮 羌活 獨活 白芷 香附 甘松 山柰

天麻 大黃 各五錢 陳皮酒餅湯下 此方本元旦日焚

此可避瘟疫大約多焚乃有驗

三消

內經二陽結謂之消 註二陽者陽明也結熱乾燥

心移熱於肺傳為膈消 心移寒於肺肺消者飲一

澠二死不治 大腸移熱於胃善食而瘦謂之食亦 腎

熱病者先腰痛折數苦渴數飲身熱

熱中消中不可服膏藥 牙痛石藥發癰芳草發狂夫

芳草之氣美石藥之氣平二者皆能治之使夫熱氣燥

悍藥氣亦然二者相遇恐內傷脾

脉訣三消之脉浮大者生細小微澀形脫可驚 內經消瘴
之脉實大病久可治脉弦小堅病久不可治註脉小不至
虛懸堅鞭宜補陰 醫通云歷診三消之脉無有不帶數
象者但須察浮數沈數在左在右尺甚寸甚及有餘不足
兼見何脉而為審治

金匱云跌陽脉浮而數浮則為氣數則消穀而大便堅氣盛
則溲數溲數則堅堅數相搏即為消渴 註津液消燦則
堅乾堅乾與熱相合為消渴宜補陰生津液此為上消
跌陽脉數胃中有熱即消穀引食大便必堅小便即數 註
陽明實熱亡津宜滋陰潤腸胃此為中消

男子消渴小便反多以飲一斗小便一斗腎氣丸主之 註
下焦陰中陽虛三焦之氣失分化故無關合此為下消

脉浮小便不利微熱消渴者宜利小便發汗五苓散主之

脉浮發熱渴欲水小便不利者猪苓湯主之註消渴小便

不利者宜利小便無汗五苓散有汗猪苓湯此三焦氣失

司化故也

渴欲飲水口乾舌燥者白虎加人參湯主之註熱傷津液

渴欲飲水不止者救陰散主之海干散也註鹹寒潤燥

渴欲飲水水入即吐者名曰水逆五苓散主之

小便不利者有水氣其人苦渴括萎瞿麥丸主之註水氣

者水腫也水腫渴而小便不利此腫不可發汗乃陽虛不

能化水故水溢於外服至小便利腹中溫為度陽氣已復

於內

厥陰之為病消渴氣上衝心中疼熱饑不欲食食則吐

下之利不止註此邪入厥陰之病渴宜烏梅丸仲師

此七條於消渴之內是有消渴而非三焦之虛消也亦可
見有是病必用是藥矣

趙養葵云上消者舌上赤裂大渴引飲治以白虎加人參湯

中消者善食而瘦自汗大便乾澀治以調胃承氣湯

下消者煩躁引飲耳輪焦乾小便便如膏治以六味地黃丸

古人治三消之法詳別如此余又有一說焉人之水火得

其平氣血得其養何消之有其間調攝失宜水火偏勝津

液枯槁以致龍雷之火上炎煎熬既久腸胃合消五臟乾

燥令人四肢瘦削精神倦怠故治消之法無分上中下先

治腎為急惟六味地黃丸八味地黃丸加減八味地黃丸

隨症而服降其心火滋其腎水則渴自止矣白虎承氣非

其所治也總之是下焦命門火不歸源遊於肺則為上消

遊於胃則為中消以八味腎氣引火歸源使火在釜下

火既濟氣上薰蒸肺受溼潤而渴疾愈矣用八味地黃丸
一筋去附子加五味水煎六七碗恣意冰冷服之熱睡渴
病如失矣

有等渴欲引飲但飲水不過一二口即厭少頃復渴不若消
渴者飲水無厭也此是中氣虛寒寒水泛上逼其浮遊之
火於口舌咽喉之間也故上焦一段欲得水救若到中焦
以水見水正其所惡也治法如面紅煩躁者理中湯送下
八味地黃丸

方

括婁瞿麥丸

治水腫口渴不止小便不利

括婁根 二兩

茯苓 二兩

澤山 三兩

附子 三兩

瞿麥 三兩

為末蜜丸梧子大飲服三九日三夜一不知增至七八丸
以小便利為中濕為利去二兩小便不利為熱症浮腫

水氣為虛症用附子少服丸數利水止渴消水腫真聖法也

三黃丸 治男子五勞七傷消渴不生肌肉婦人帶下臭穢

大黃 黃連 黃芩 等分

蜜丸為豆大服七丸日三服月完愈

泄瀉

內經脾病者虛則腹滿腸鳴飧泄食不化 脾所生病心下

急痛澹瘕泄 肝所生病胸滿嘔逆飧泄狐疝 怒則氣

逆甚則嘔血及衄泄故氣上矣 寒氣客於小腸小腸不

得成聚故後泄腹痛矣 大腸小腸為泄 少陰厥逆虛

將嘔變下泄清 一陽之病少氣善欬善泄

胃中熱則消穀懸心善饑臍以上皮熱腸中熱則出黃如糜

胃中寒則腹脹腸中寒則腸鳴飧泄臍以下皮寒胃中寒

泄瀉

卷之二十一

五十九

華蓋

腸中熱則脹而且泄胃中熱腸中寒則疾饑小腹脹痛
虛邪之中人也留而不去傳舍於腸胃多寒則腸鳴飧泄食
不化多熱則溲出糜五臟各以其時感於寒則受病微
則為欬甚則為泄為痢邪氣留連乃為洞泄先病而
後泄者治其本先泄而後生他病者治其本
諸病水液澄徹清冷皆屬於寒暴注下迫皆屬於熱諸厥因
泄皆屬於下溼勝則濡泄清氣在下則生飧泄濁氣
在上則生填脹長夏善病洞泄寒中春傷於風夏生

飧泄

水穀之寒溼感則害人六腑飲食不節起居不時者陰受
之陰受之則入三臟入三臟則填滿閉塞下為飧泄久為
腸辟

肺脉小甚為泄

胃脉大甚為泄

胃脉實則脹虛則泄